

გაღვიძრვის  
წიგნები

ტფილისი. 1920 წლები.

№ 1.



# ბაღდადის წეროები

## ფინანსი:

სიმონ ჩიქოვანი—ვალპურგიის ღამე.

ჰერკულეს ყანჩელი—Memento mori.

გრიგოლ ორაგველიძე—თეთრი ზღაპარი.

გრიგოლ ზოდელი—1. ნაღვლიანი სილუეტი

—2. ფაქრები ჩემზე.

Chal Romi—გრანდა ესპანი.

აკაკი ბერეკაშვილი—ანოემბრებისას.

გრიგოლ ორაგველიძე—1. შე და თებერვალი.

—2. თალხი რომანი: წმ. მარიაშ.

სიმონ ჩიქოვანი—შენი ღიმილი შემოდგომის შეწუხებულ  
ღღეებში.

მარგარიტა ფაქიზოსანი—ჩემს ზამთარს.

ს—ანი—ახალი პოეზიის ნიმუშები.

4926

ქ ა ლ კ უ რ გ ი ა ს    დ ა შ ე .

აკენესდა ღამე. გაითანტენ ცეცხლზე ძვლები;  
არულს მოშორდა ტანჯვის ფიფქი, ღიმი ალბატროს;  
ველი ჩაბარდა წითელ ფარჩებს დინჯი წვალებით  
და თებერვალმა მთეარის სევდა გზებათ დაფატრა.  
გვიშველის მოგვი. მან გამართა ცეცხლის არული,  
ღამის სიამარი ცეცხლზე თბება ამაყ მაგებით;  
იწვის ძველები, იწვი ძონძი უკან ფარული  
ფარდის სხივებზე ელვარებენ ოქროს შპაგები,  
და შავი პრიცი მონაზებით, თაბახ—კვარებით  
ველს ასურნელებს რომ ხხაროს ღამაზ ხაიუნებს.  
კივიან მთიდან მზის ქინკები რუხ მზაკვარებით  
და თებერვალის ჩქარი ცეცხლი ლოცვებს აღუნებს,  
ცეცხლის მხედრები, ხმაურობენ ფოლად აღვირით,  
გაქრა ოდები. უმძიმთ ტრფობა ქვიტკირის სახლებს.  
ძრწიან გლახები, შეაშინებთ ცოდვა საყვირის,  
კულიანები მოგვძახიან ხელებს ნუ გვახლებს,  
გაშრა ბილიკი, ქარვის ღელვა და ვნება ტუჩის;  
ისმის ხმაური ქინკებიდან. „საშველი მოგვეცე,“  
იმსხვრევა რკინა, სპილენძები, თამაში თუჯი.  
მზის შეჯიბრება გაიტაცებს ცისკენ თეთრ მოგვებს.  
გრძელდება ღამე. და მოგვები ქმნიან ამინდებს,  
ფანტავს არული შარგალიტებს ქსოვილ ფერადებს;  
მისი მწვერვალი გაგიჟდება ცასაც ამინთებს.  
არ იცის ღამემ;ვინ ჩააქრობს ცეცხლის პარადებს.

შერკულეს ყანჩელი.

## Memento mori.

ბებერი ტაროსის ველური სასულო,  
სამრეკლოს საყურეს არხვეს სვენებით.  
ო, რა რიგ იღვენის ნოემბრის ასულებს,  
უსახო ქარების რუხი ჩვენებით.

ქარები ამტვრევენ ცრემლიან ნოემბერს,  
დაორთქლილ ქოხებში სცვივა ყავრები;  
მორწმუნე ტირილით იგონებს ნოე ბერს.  
...ნეტავი ვინ დასთვლის რიცხვებს შგზავრების.

კაბასი ძაღლები გალობენ „წმიდაო“-ს,  
მაშინებს თვალები მე მარტო ორის,  
ეს ჩუმი წამება ვინ უნდა იღაოს—  
...თვალეში ვკითხულობ „Memento mori!“

## Chal Romi.

გ რ ა ნ დ ი ე ს პ ა ნ ი.

თუჯის კუნთებით, გრანდი ესპანი,  
ამაყ კარლოსის შპაგებს იგონებს.  
პაყის, ინჰანტის, უცხო შავ პანის,  
ავხორც ჰამლეტებს, ალზე იმონებს!

სახე ყვითელი, ყვითელ ნავარის,  
ლეწავს ეშაფოტს, ჩონჩხთა კაროლის  
გოთის ტაძრები, უხმო ავარი  
ზარებს რეკავენ, ნამტვრევ პაროლის.

შავათ ურეკვენ, ამაყ ჰანიბალს,  
დამწვარ სონატებს, თავის წარსულის,  
იმის ხითხითით, ფიქრებს განიბანს  
როგორც ზღაპარი, შავი, სპარსული!

ზარებს რეკავენ... ზარებს რეკავენ...  
დამწვარ თვლებით, წითელ ალებზე  
თავის ოცნებას, ცეცხლით, სეკავენ,  
ცეცხლით სეკავენ, ჩონჩხის ხალებზე!



გრ. ზოდელი.

ნადვლიაში სილუეცი

ცა დაისერა თეთრი ნადველით,  
ფარფაშებს მთვარე ცახცახებს ქუჩა.  
ხმა ჩახლეჩილი ქარი ახველეს,  
ველურმა ვნებამ თმები აფუშა.  
თვალეზი მოკვდენ სველ ფანჯარაზე  
ფიქრებს მოედო ჭვარტლი და ლექი,  
ველარ ვიქნები ფხიზელ დარაჯათ  
ატირებს პალმებს ნოემბრის ჭლექი.  
და მომინდება მე შენი ნახვა  
გათბობა სულის, და მოკვლა ნდომის,  
მაგრამ ძვირფასო ვერ შეინახავს  
თეთრ საიდუმლოს დღე შემოდგომის.  
აკვნესდა კარში კვლავ ნოემბერი,  
ფოთლები ჰქრიან ყვითელ პეპლებათ.  
რადგანაც ნაზ სულს ვერ მოეფერე  
ამწვარ ფიქრებში აიფერფლება.



## ფიქრები ჩუბჭუ

ნოემბრის ქოშები დამძივდა ქარვებით,  
დასუდრულ ოცნებას ატირებს შენდობა,  
სნეული ფიქრების აშენდა კარვები,  
დაფარულ გულისთქმას არავინ ენდობა,  
დაკარგულ ბეჭდის თვალს დაეძებს პიერო.  
ელამი დასტირის დატეხილ სათვალეს.  
მე ასე მასხარამ სანამდი ვიარო,  
ამდენი შეშლილი სად უნდა დათვალო.  
ცრუ ბედზე ტირიან ლანდები ჩემს ახლოს  
უბინო ძაღლების მაწუხებს წკმუტუნი.  
ნუ მკითხავთ მეგობრებო, რაღაზე ვნაღვლობ  
როცა მაქვს არაყი, როცა მაქვს თუთუნი.

# აკაკი ბერეკაშვილი.

ა ნ თ რ ი შ რ ი ს ა ს

მე დღემდე ვდარაჯობდი გზაჯვარედინზე. სიჭაბუკის ნორჩი ხელით  
დაკრეფილ ყვავილების თაიგულით და შენ კი არსად სჩანდი.

მოვ ქანცე- დავსუსტდი შენს მოლოდინში.

თაიგულიც დასტკნა აღმოსავლეთური ვნების სიმხურვალით,  
მტვრის წაყრით და ჩაქიდა ლამაზი ფურცლები შენს მკერდზე მიყრ-  
დნობის მოლოდინში.

ეხლა შემოდგომა დადგა.

ჩემს სავალ გზას გაჩინებულ ხეებს ყვითელი ფოთლები ტრიალითა  
და ჩივილით დასცვივა.

აღარ ვიცდი. . .

ძივდივარ აციებულ შემოდგომის გზით მოწყენილ ზამთრისაკენ  
თუთრი ზღაპრებით დასაფიფქავად.

მივდივარ, აღარ ვიცდი, რადგან ვიცი, რომ შენ გაზაფხულის  
ფერად ყვავილების სტუმარი ხარ და წვევაც გაზაფხულით იცი.  
თან წავიღებ ამ დამტკნარ თაიგულსაც და იქ, აი ამ სევდით  
დანაცვენ გზის გასათავარში „მოლოდინის“ სასტიკი ღმერთის  
სამსხრპლოზე ავაბოლებ და დავფურფლავ. . .

ზარის გალობაც ისმის. . .

მშვიდობით. . . მშვიდობით. . .

ეგებ თებერვლით შინ მივიდე. . .

მშვიდობით. . .

## გრიგოლ ორაგველიძე

მ ე ლ ა თ ე მ ე ო ჯ ა ლ ი .

თებერვლის ღამეებმა დამსერა, გულში ლახვარი ჩამცა მთვარის ალერსზე. მან დაფერფლა ჩემი სიხალისე და სიკვდილს მამბოროა. ჭარ დავიწყებული ვით აღრაგანი. ოცნება ემფატიურმა დაიდგა შავი კაჭაჭალკა და გახასვენეს. მთვარის ჩრდილში მახლავს მეჭილე. ის თუმნობით ვაჭრობს, მე კი. . .

ჰო, მე, ფიქრებით. შარშან ვავცილდე ბლომად. დღესაც ბევრი მაქვს. არავინ არ სჩანს. დაჭრიან მხოლოდ სავსე მაშრაფით ქიმერები. მართავენ ქორწილს... მაგრამ მე მაინც დამსერა თებერვლის ღამეებმა. გულში ლახვარი ჩამცა მთვარის ალერსზე.

თალსი ოლქანი: წმ. ბართლომე.

ეს რომანი მოკლეა—შინაარსით კი ვრცელი. ორთავეს უყვარდა შემოდგომა. ქალი ოცნებობდა კლექიან სირინოზზე—კაცი კი ცოცხზე შემჯდარ ჯოჯოზე, მაგრამ სარჩული ერთია: სიყვარული

სიკვდილი იმდენად კარგია რამდენად ეს უახლოვდება სიყვარულს. ჰო და მოხდა.

სირინოზი დასტკნა. ცოცხზე შემჯდარი ჯოჯო შერჩა ერთ მიყრუებულ აგარაკის კედელზე.

ვთქვი. სირინოზი უკვე დაიფერფლა. გაასვენეს. მთვარემ გაიცინა. დაშბაჩამ იელეა და. . .

საფლავზე აგია ჯვარი. ცრემლი ტბათ ჩაუდგა და მისი სურათი გაფითრდა. არ იცოდა მან ასეთი სიყვარული თუ დასტოვა.

ამოვა მთვარე. ის დგას გაფითრებული და მღერის...

მღერის გედურად. მთვარის პანი დადის მის სარეცელზე. სურს გახედეს ქმარი, ისეთი როგორც სირინოზი მაგრამ ცდება. მას სხვა უყვარს. ის სხვას უყვარს.

მოვალ. გნახავ. შეგხედავ. მივეყრდნობი შენს მკერდს და...

არ შემიძლია. ავტირდები ბავშვივით შენს კალთაში მიყრუებულ აგარაკის მოგონებაზე.

## მარგარიტა ფაქიზოსანი.

ჩ ვ მ ს    ზ ა მ თ ა რ ს .

მე ზამთრის ჯადო ვარ. ბევრჯერ შემკრთავლა თოვლის ფიფქები ჩემს ეშხზე.

ერთხელ ვაყი მოკვდა-და ჩემი ყულსახვევა თოვლში გასვრილი მას გადავაფარე. ვიცი: მე მას უყვარდი; მაგრამ მე მიყვარდა ზამთრის პანი და მუდამ მასთან დავდიოდი საალერსოდ.

ეშხი გაბრუვდა და გაღელილ მკერდს დააკვდა. მე ისევ შენზე ოცნებობ. ვიცი მოხვალ. გაგენახები. გავჯიუტდები მხოლოდ იმიტომ, რომ მე შენ მიყვარხარ; მხოლოდ იმიტომ რომ მიყვარს ზამთრის ფიფქები შენს ახალ აყრილ ულვაშზედ თეარად მოელვარე.

1919 ზამთრის მოლოდინში.

## სიმონ ჩიქოვანი.

შენი ღიბილი შემოდგომის დღეებში.

ღამეები ვრცელი. ანთებული ქალაქი და სადღაც კედლებთან კანკარით ოცნება შენზე. მომბეზრდა ტფილისი, ძონძები მამბიმებს. მატლები წიწკნიან გამხდარ ძვლებს. ხსნა სანთლების გადაღმა იკარგება.

შემოდგომა და შეწუხებული ღღეები ვით შენი ვადმოხედვა. მოხუცი ქუჩები სტირიან ჩემი სიბრალულით. შენს ბართებს ჯიბით ვატარებ.

ვიცი ვადვიტან. ეს შემოდგომაც ვასვენდება ჩემ ოცნებით შექმნილ აივანთან. ძვირფასო, შენი ძილ ვატეხილი სუნთქვა ვამათბობს მოგონებათა იქეთ: ნუ იტარებ. ვადებულ სულის არ შეუძლიან მოშალიტების საძიებლად სიარული.

ხსნა მხოლოდ ღიბილით შეიძლება. ვაიღიმე და შენს ცქერას ვავარჩევ ამ დაკორძებულ ადვილ ღღეებიდან. მაშინ სიციფე ვაქრება და მეც არ ვკანკალდები სახლების კედლებზე. შორის — ძონძებში მატლისაგან ნაწამებ სხეულით.

1920. 23 ოქტომბერი.

## „ბარრიკადი“.

გამოვიდა ყოველ კვირეული გაზეთი „ბარრიკადი“, რომ შლის გამოსვლამ აღაფრთოხანა ერთი ჯგუფი ახალგაზრდების. ღიღიხანია რაც პოეზიით დასწავლებულნი ელოდენ „ბარრიკადი“-ს დადგმას. ღიღიხანია, რაც ელოდენ ლიდიტის აფეთქებას ფილისტერთა ბანაკში და ჩვენც ველირსეთ.

დღეიდან მისი აფანგარდები გაიკაფავენ გზას თავისუფალ შემოქმედებისაკენ და ჩვენც რეზერვში მყოფნი ახალგაზრდობა მზად ვიქნებით რომ პირველ საჭიროებაზე გამოვიყვანოთ ჩვენი ძალა „ბარრიკადი“-ს შესანარჩუნებლად.

სარედაქციო კოლეგია.

ასალო პოეტის ნაშრომები

რ. გვეტაძე. „დაბინდული ქარვეები“ წიგნი ლექსების. გვეტაძე. არის ძლიერი ნიჭი, მხოლოდ პოეტის კულტურა ვერ სწვდება ნიქს და პარალელი გაუყვანელი რჩება მათ შორის.

წიგნი ანათებს პარნაგრაფიით და ხშირია ტუჩზე დაყრილი სტრ ქონები. წიგნში არის ცდა ბოგემის სიღრმეში ჩაწვდენის (მაგ. „ბოზები“), მაგრამ პოეტი ვერ სცილდება თემას და ვლებულობთ „ქრისტინეს“ IV მოქმედების შთაბეჭდილებას. ბევრი არის ვულგარული თქმები, თითქოს კრუჩონიხის წაბაძვითი შედარებანი და შემთხვევითი გავლენები მოწინავე ქართველი პოეტების. (მაგ. „ცრემლები“ ნადირაძის „ბავშობის“ და „გასვენება“ გ. ტაბიძის „ათოვდა ზამთრის ბაღებს“.) პოეტი თავის ლექსებში ხშირათ ვერ პოულობს გამოსავალს. სანტიმენტალური გზა მისთვის უფრო საიმედო,

აქ ის წვდება თავის ნიღაბს და კიდევაც იმარჯვებს, ასეთები არიან ლექსები „ზამთრის ღამე“, „ღამე სათევი ლექსი“ და „ყვითელი სტრიქონები“ აქვს მდიდარი რითმები და უყვარს თანხმოვანთა სიმრავლე ასო „რ“ და „ტ“ სარდლობით, რომელნიც იძლევიან ჭედვის განცდას. სათაური არის მწუხრის მოლოდინი შინაარსის განკვერტი.

შ. აპოკალიფი. „შინაწილები“ ლექსები. „შინაწილებში“ ლექსების ტექნიკა ვერ არის განვითარებული. ვერც ერთი ლექსი თავის ფორმით ვერ სცილდება ბანალურ ხაზას და წელში მოხრილი ლექსები ბატონობენ მთელ წიგნში. არის გამინაკლისებრიც მაგრამ რითმები ყველგან ნაჯახირებია და იაფსიანი. პირდაპირ მომწონს, „ნიკოლაძეს“ და „მასკარადი“ თუმცა უკანასკნელშიც არის რითმისთვის წვალემა. ზოგიერთი ლექსები პირდაპირ გადმოღებულია ჰენინდან. სეთაურიც ვერ არის შესაფერი.

რ. გოგობია **ზამთრის ჩუქურთმა** ლექსები. გოგობიას აქვს თლილი თქმები. აქვს საკუთარი ინტუიციაც საგნის მიმართ. ირონიის გაღმერთებით სურს პოეტს დაუახლოვდეს ლაფორგის შკოლას. მაგრამ ხშირათ შერევა ხდება ირონიის და სატირის. ლექსები ზოგიერთები არის კარგი. „სათოვლად გაპატიებაში“ არის V ტაეპი რომელიც იგივე გაწახურდიას „ბერლინის“ უკანასკნელ ტაეპა წარმოადგენს. კარგია რითმა „ამისთვის“ „ამეტვისთვის“.



თანამშრომლები ანბანზე: აკაკი ბერეკაშვილი, არჩილ  
ბენაშვილი, გრიგოლ ზოდელი, ირაკლი კანდელაკი, პლატონ  
ლონაძე, პრ. ოდიშელი, გ. იგოლ ორაგველიძე, მარგარიტა  
ფაქიზოსანი, ჰერკულეს ყანჩელი, Chal Romi და სხვანი.

ამ მოკლე ხანში ქუთაის ახალგაზრდა ხელოვანთა წრე  
„წინსვლის ემბლემა“ გამოსცემს თვიურ ჟურნალს.

8 333  
1920

10 თუმანი.